



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CONCILIIS, ET|| ECCLESIA MILITANTE,|| QVATVOR LIRBRIS||
COMPREHENSA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XIII. Ecclesiam visibilem non posse deficere.

[urn:nbn:de:hbz:466:1-53873](https://nbn-resolving.de/urn:nbn:de:hbz:466:1-53873)

259 Cap.XII. De Ecclesia militante. Lib.III.

in illa perseverare, id est, capiti eius obedire, & ceteris membris comunicare, ut patet ex Cypriano de simplicitate Prae-
latorum, Hieronymo in epistola prima ad Damasum de no-
mine hypostasis, & Augustino lib. 4. de Baptismo, cap. I. At
hoc fieri non potest, si est Ecclesia inuisibilis.

SEPTIMO, ex dictis quæstione superiore; si enim Ecclesia
est congregatio hominum videntium Sacramentis iisdem, &
fidem Christi profitentium, sub regimine legitimorum pa-
storum, ut ibi probatum est, sequitur necessariò eam esse
sibilem.

VLTIMO, testimoniis veterum. ORIGENES hom. 30 in
Matth. Ecclesia, inquit, plena est fulgore ab Oriente usq[ue] ad
Occidentem, Eccl. CYPRIANVS libro de unitate Ecclesie
Ecclesia, inquit, Domini luce perfusa, radios suos per orbem
terrarum spargit, Eccl. CHRYSOSTOMVS homil. 4. in
6. Maiæ: Facilius est, inquit, solem extingui, quam Ecclesia
obscurari. AVGVSTINV[S] lib. 3. contra epistolam Parma-
niani, cap. 5. Nulla, inquit, est securitas unitatis, nisi expro-
missis Dei, Ecclesia declarata, qua supra montem, Et distans
est, constituta, abscondi non potest. Tract. I. in epistolam Io-
annis: Nunquid digito ostendimus Ecclesiam, fratres mei?
nonne aperta est? Et Tract. 2. Quid amplius dicturu[m],
quam cacos, qui tam magnum montem non vident? Quis con-
tra lucernam, in candelabro positam, oculos claudunt?

C A P V T XIII.

Ecclesiam visibilem non posse deficere.

EA M. quod Ecclesia ista vera & visibilis non possit
deficere, facile probari potest. Notandum autem
est, multos ex nostris temporibus terere, dum probant,
absolutè Ecclesiam non posse deficere; nam Cal-
vinus, & ceteri heretici id concedunt; sed dicunt, intelligi
debere de Ecclesia inuisibili. Probare igitur volumus, Ec-
clesiam visibilem non posse deficere; & nomine Ecclesiae non
intelligimus unum, aut alterum hominem Christianum,
sed multitudinem congregatam, in qua sint Praefati & sub-
diti.

PRIMUS

PRIMVM, id ostenditur ex Scripturis, vbi aperte nominatur Ecclesia, Matth. 16. Super hanc petram adificabo Ecclesiam meam, & portas inferi non praualebunt aduersus eam. Cui similis est ille 1. Tim. 3. Ut scias, quomodo te oporteat conuersari in domo Dei, que est Ecclesia Dei vivi, columna, & firmamentum veritatis. In utroq; loco agitur de Ecclesia visibili, ut ostendimus, & tamen audiuimus ipsam veritatem afferentem, portas inferorum non praualituras contra eam Ecclesiam.

SECVNDO, ex aliis locis, vbi aperta est promissio sine nomine Ecclesiae, Matth. vlt. Ecce ego vobis sum & q; ad consummationem seculi. Quæ verba ad Ecclesiam visibilem dicta sunt, nimirum ad Apostolos, & discipulos ceteros, quos in die ascensionis suæ Dominus alloquitur est, & cum illi homines non essent permansuri in corpore usque ad mundi consummationem, necesse est dicere, hanc promissionem pertinere ad eorum successores. Itaq; hunc locum de Ecclesiae perpetua duratione intelligunt Leo I. in epist. 31. ad Pucheriam Augustam, & Leo II. in epistola ad Constantimum Augustum.

Præterea Ephes. 4. Et ipse dedit quosdam quidem Apostolos, alios Prophetas, alios Euangelistas, alios Pastores, & Doctores ad consummationem Sanctorum in opus ministerij, in adificationem corporis Christi, donec occurramus omnes in unitatem fidei, & agnitionis Filii Dei, in virum perfectum, & mensuram etatis plenitudinis Christi. vbi Apostolus docet, mansura in Ecclesia ista ministeria Pastorum & Doctorum, & continuam adificationem corporis Christi, & proinde visibilem Ecclesiam, usque ad diem iudicij; nam quando sola esset in mundo Ecclesia inuisibilis, non inuenirentur ista ministeria, quæ non possunt exerceri, nisi se pastores & oues agnoscant: & norandum, quod licet veteres intelligant hunc locum de spirituali mensura corporis mystici; recentiores autem de corporali mensura corporum beatorum, quæ dicunt futura tantæ magnitudinis, quantæ fuerunt vel fuissent in perfecta sua ærate; tamen omnes intelligunt hunc locum in nouissimis diebus, quando complebitur numerus electorum. Vide Augustinum lib. 22. de ciuitate Dei, cap. 15. 17. & 18. vbi utramque explicationem tangit.

Præterea

Præterea Psal. 47. Deus fundauit eam in aeternum, id est Ecclesiam suam, quæ est ciuitas eius, ut Augustinus exponit, & res ipsa clamat; nam totus Psalmus est de fundatione Ecclesiæ Christianæ, tanquam nouæ & visibilis ciuitatis, incipit enim: *Magnus Dominus, et laudabilis nimis, in ciuitate Dei nostri, in monte sancto eius: Fundatur exultatione universa terra, etc.* Item Isaiae 61, (quod caput intelligi de Ecclesia noui Testamenti, docuit Christus Luc. 4, cum in Synagoga citauit, & exposuit de aduentu suo initium huius capituli: *Spiritus Domini super me, etc.*) Sic habetur: *Et fædus perpetuum feriam eis: Et scietur in Gentibus semen eorum, et germen eorum in medio populorum: omnes qui viderint eos cognoscent illos, quia isti sunt semen, cui benedixit Dominus.* Profectò tam est perspicuus hic locus, ut expositione no[n] geat. Quomodo enim inuisibilis erit ille cœtus, de quo citur: Omnes qui viderint eos, cognoscent illos, quia isti sunt semen, cui benedixit Dominus.

Accedant TERTIO testimonia ex parabolis, quibus omnium consensu significatur Ecclesia: Area enim, in qua sunt grana & paleæ; & rete, in quo sunt boni & mali pisces; & ager, in quo sunt frumenta & zizania; & conuicium, in quo sunt boni & mali discubentes; & ouile, in quo sunt oves & hædi, significant Ecclesiam visibilem, ut etiam hereticatur. Nam Ecclesia inuisibilis non habet malos & bonos, sed tantum bonos, secundum eorum sententiam. At eadem parabolæ docent, istam Ecclesiam visibilem nunquam interturam usq[ue] ad diem iudicij; nam Matth. 3, dicitur: *Ipse permundabit aream suam, et tritum congregabit in horreum suum, paleas autem comburet igni inextinguibili.* quod sine dubio non fieri ante diem iudicij. Et Matth. 13, dicitur: *Sinite irrag crescere usq[ue] ad messem.* Et infra: *Messis autem consummata seculi est.* Et infra: *Sic erit in consummatione seculi, exhibetur Angeli, et separabunt malos de medio iustorum, etc.*

QVARTO, probatur ex Scripturis, quæ loquuntur de regno Christi. Psal. 88. *Thronus eius sicut sol in conspectu meo, et sicut luna perfecta in aeternum, et testis in celo fidelis.* Ibidem: *Et ponam in seculum seculi semen eius, et thronum eius sicut dies cœli.* Dan. 2. *In diebus autem regnorum illorum suscitabit Deus cœli Regnum, quod in aeternum non dissipabitur.*

Et Regnum eius alteri populo non tradetur, &c. Et Luc. I. Et Regni eius non erit finis. Ista loca non possunt intelligi, nisi de vera & visibili Christi Ecclesia nunquam interitura. Nam Regnum Christi sine dubio est vera eius Ecclesia. Neque regnum dici possunt aliquot homines occulti, & dispersi, & separati ab inuicem, qui se non nouerunt. qualis est Ecclesia inuisibilis Lutherorum: Regnum enim est multitudo hominum congregatorum, qui se inuicem nouerunt.

Præterea in Psal. 88. ubi dicitur Christi regnum æternum, dicitur etiam, quod in eo sint boni & mali, ac proinde, quod Ecclesia sit visibilis: Si autem dereliquerint filij eius, inquit, legem meam, & iusticias meas non custodierint, &c. Visitabo in Virga iniquitatem eorum, & in verberibus peccata eorum; misericordiam autem meam non differgam ab eo, &c. Quem locum pulchre exponit de flagellis Ecclesiae S. Cyprianus in sermone de lapsis. In illo etiam cap. 2. Danielis, ubi dicitur, Regnum Christi perpetuum; legimus quoq; illud, Regnum esse montem magnum impletum omnem terram, quem Isaias cap. 2. & Mich. c. 4. vocabant montem manifestum, secundum LXX.

QVINTO, probatur testimonii veterum. Origenes & Chrysostomus locis citatis id affirmant; sed clarissimus Augustinus & Bernardus. AVGUSTINVS in Psalm. 101. concione 2. disputans contra Donatistas, qui totam Ecclesiam visibilem periisse dicebant, & in solis quibusdam iustis in Africa remansisse: Sed, inquit, illa Ecclesia, qua fuit omnium Gentium, iam non est, periret, hoc dicunt, qui in illa non sunt. O impudentem vocem, illa non est, qui tu in illa non es. Vide, ne tu ideo non sis, nam illa erit, et si tu non sis. Et infra, Ecclesiam ita loquentem introducit: Quamdiu ero in isto seculo? annunciam mihi, propter illos, qui dicunt, fuit, & iam non est, apostatauit & periret Ecclesia de omnibus Gentibus; & annuncianuit, nec vacua fuit vox ista. quis annuncianuit mihi, nisi ipsa via? Quando annuncianuit? Ecce ego vobiscum sum & quod ad consummationem seculi. Similia habet in Psal. 147. & libro de unitate Ecclesiae, cap. 13. & 20. & alibi.

Neq; responderi potest, loqui Augustinum de Ecclesia invisibili; nam illam non periisse, nec perituram, Donatistæ admittebant, & ad se trahebant illud: Ego vobiscum sum & quod ad

254 Cap. XIII. De Ecclesia militante. Lib. III.

ad consummationem seculi, ut Augustinus refert loco notato in Psalm. 101. BERNARDVS serm. 79. in Cantic. in illud; Tenui eum, nec dimittam, donec introducam illum in domum matris meæ: Ita est, inquit, & tunc, & deinceps non deficit genus Christianum, nec fides de terra, nec caritas de Ecclesia Venerunt flumina, flauerunt genti, & impegerunt in eam, & non cecidit, eò quod fundata esset super petram, petra autem erat Christus. Itaq; nec verbositate Philosophorum, nec caulationibus hereticorum, nec gladiis persecutorū, potuit ipsa aut poterit aliquando separari à caritate Dei, &c. Nec posse hanc intelligi de Ecclesia inuisibili; nam illam non persequuntur gladij tyrannorum, nec verbositas Philosophorum, nec caulationes hereticorum: Itaque visibilis Ecclesia non deficit. Accedat Vincentius Lyrinensis, qui in commonitorio tanquam errorem grauissimum reputat Nestorij sententiam, qui dicebat, totam Ecclesiam rasse in mysterio Incarnationis, eò quod cæcos Doctores quastra esset.

VLTIMO, probatur hoc idem naturali ratione. PRIMUS enim, si aliquando sola maneret in mundo Ecclesia inuisibilis, aliquando etiam esset impossibilis salus iis, qui sunt extra Ecclesiam. Nam non possunt saluari, nisi in Ecclesiam ingrediantur; quemadmodum tempore Noë peribant necessarij, qui non habebant aditum ad arcam: at non possunt ingredi in Ecclesiam, quam ignorant; igitur non habent medium.

PRAETEREA, de ratione vnius veræ Ecclesiæ est, ut sit visibilis; ergo si Ecclesia visibilis perit, nulla vera Ecclesia manet.

DENIQUE, vel homines illi occulti, qui Ecclesiam inuisibilem constituunt, profitentur palam fidem suam, & absident ab idolorum cultura, vel non; si profitentur, ergo non est Ecclesia inuisibilis, sed maxime visibilis, sicut erat tempore Martyrum; si non profitentur, ergo nulla est Ecclesia nam non est Ecclesia vera, in qua nulli sunt boni, & qui continentur; non autem sunt boni, nec saluantur, qui non continentur fidem, sed ea in corde retenta, exterius profitentur perfidiam & idolatriam, cùm ad Rom. 10. dicat Apostolus Corde creditur ad iustitiam, ore autem confessio fit ad sal-

tem. Et Matth. 10. Omnis, qui negauerit me coram hominibus,
negabo eum coram Patre meo. Ergo implicat contradic-
tionem, Ecclesiam esse, & carere omnino forma visibili, nisi po-
natur extra mundum, ubi nunquam sit necessarium fidem
confiteri.

C A P V T XIV.

Ecclesiam non posse errare.

SUPEREST ut probemus, Ecclesiam non posse
errare ullo modo, etiam non apostatando a Deo.
Et tamē prius paulò diligentius explicanda sen-
tentia aduersariorum, & nostra.

CALVINVS igitur dicit, istam propositionem: Ecclesia non
potest errare, esse veram, si intelligatur cum duplice restri-
ctione. PRIMA est, si Ecclesia non proponat dogmata extra
Scripturam, id est, si reiiciat traditiones non scriptas, & so-
lū proponat fideliter quæ habetur in Scripturis. SI autem
quæras, an certi simus, quod Ecclesia proponet semper fide-
liter, quæ sunt in Scripturis: RESPONDE, Ecclesiam sem-
per proponere fideliter, quæ habetur in Scripturis, in rebus
necessariis ad salutem, non tamen in aliis, ac proinde sem-
per remanere in Ecclesia nōnos aliquos errorum.

SECUNDA restrictio est, ut illud: Ecclesia non potest erra-
re, intelligatur de sola Ecclesia vniuersali, non autem exten-
datur ad Episcopos, qui sunt Ecclesia representati, ut no-
stri loquuntur; quilibet enim Episcopus gerit personam suæ
Ecclesiæ particularis, & proinde omnes Episcopi gerunt per-
sonam totius Ecclesiæ; ita habet CALVINUS lib. 4. cap. 8. §. II.
12. 14. 15. maioris institutionis, & in minore institutione, cap.
8. §. 146. 148. 149. & 150. ubi tamen mendaciter & fraudulen-
ter explicans sententiam nostram, dicit, nos asserere, Eccle-
siam non posse errare, siue vtatur verbo Dei, siue non; cùm
tamen ipse non ignorat, nos non loqui de verbo Dei abso-
lutè, sed tantum de verbo scripto, ac dicere, Ecclesiam non
posse errare; siue proponat, quæ habentur in Scripturis, siue
dogmata extra Scripturam.

NOSTRA igitur sententia est, Ecclesiam absolutè non
posse errare, nec in rebus absolutè necessariis, nec in aliis.
RR quæ